

A opes ea tempestate, ut res erant, plurimū ui atq; armis præstabant. Hæc gens libertatem seruans, nullum aduenam apud se regnare passa est. Ita neq; Persarum neq; Macedonum reges, quamuis potentes armis, eorum imperio potiti sunt. Est enim inexpugnabilis ab externo milite, propter loca partim deserta, partim arida, aquisq; deficientia. Sunt tamen fontes plurimi, sed absconditi, ac solis incolis noti. Ninus igitur Arabum rege assumpto, exercitum duxit aduersus Babylonios Arabiæ conterminos. Nondum enim condita erat Babylonia, sed aliæ circa urbes nobiles incolebantur: quibus propter armorum desuetudinem facili superatis, tributoq; imposto, regem eorū cum filiis captum interemit. Deinde quibusdam Armeniæ urbibus in potestatem redactis, Barzanes rex Nino uiribus impar, cum multis donis occurrēs, & se & regnū eius potestati permisit. Huic Ninus, magno usus animo, Armeniæ regnum restituit, commeatu & militibus imperatis. In Mediā deinde auctis uiribus transgressus, cum ei Farnus rex cum exercitu occurrisset, prælio uictū, cumq; uxore & septem filijs captum, cruci affixit. Prospera fortuna elatum Ninū cupiditas cepit totius Asiæ, quæ inter Tanaim Nilumq; iacet, potiundæ. Secundæ etenim res ut plurimum maiorum ingerunt cupiditates. Itaq; præside ex amicis quodam Mediæ imposto, ipse ad reliquam subsiciendam Asiam profectus, omnem annis decem & septem præter Indos ac Bactrianos in potestatem redegit. Pugnas singulas, aut deuictorum numerum nullus scriptor tradidit. Nos quæ excellentiora feruntur, Ctesiam Cnidium secuti paucis narrabimus. Subiecit omnes maritimas ac propinquas gētes, Aegyptios, Phœnices, & interiorē Syriam, Ciliciam, Pamphiliam, Lyciam, Cariam, Phrygiam, Misiā, Lydiā, Troada, & Phrygiam quæ est supra Hellepontum. Propontida etiam, ac Bithyniam, & Cappadociam, & gentes iuxta Pontum barbaras usq; ad Tanaim flumen suæ ditionis fecit. Adiecit imperio Cadusios, Tapyros, Hyrcanos, Drangas, Dernicos, Carmanios, Coroneos, Rhombos, Vorcianos, Parthos, Persas præterea, ac Sufianos, Caspiosq; ad quos angustus est aditus, unde & portæ Caspiæ appellantur: pluresq; alias, quas recensere instituto opere prolixius esset, ignobiles nationes. Inito cum Bactrianis bello, cū & locorum difficultate, & hominum numero se tutarentur, retrocedens in tempus aliud id certamen distulit. Deducto in Syriam exercitu, urbi condendæ locum elegit. Verū cum superiores omnis gloria & rebus gestis superasset, urbem quoq; ingentem condere statuit, cui par magnitudine neq; fuisset antea, neq; esset futura. Arabum regem donis spolijsq; cumulatum, magnificè cum exercitu domum remisit. Ipse coactis undiq; uiribus, & his quæ ad tantum opus spectarent, paratis, supra Euphratem urbem condidit, nō æqua laterum dimensione, nam duæ muri partes longiores erant reliquis. Horum latus quodlibet longitudine est stadiorum centum quinquaginta, breuiores uero stadijs nonaginta. Qua muri dimensione ambitus stadia complectitur quadringenta octoginta. Et sanè spe sua nequaquam frustratus est. Nulla enim postmodum urbs tanto ambitu, tanta uehementium magnificentia constructa est. Altitudo murorum, pedum est centum: latitudo, qua tres currus simul perambulant. Turres mille & quingentæ: quarum altitudo pedum est ducentorum. Habitare eam coëgit maiori ex parte Assyrios, & quidem potentiores. Ex reliquis nationibus uoluntarios assumpsit, à nomine suo urbem Ninam appellans. Agros propinquos habitatoribus diuisit.

DE SEMIRAMIDIS GENERE,
eiusq; incremento. Cap. II.

Condita urbe, arma in Bactrianos uertens, ibi Semiramidem uxorem cepit: quæ cum clarissima omnium mulierum feratur, quomodo ex